



XUNTA DE GALICIA

CONSELLERÍA DE MEDIO AMBIENTE,
TERRITORIO E INFRAESTRUTURAS
Secretaría Xeral de Calidade e Avaliación Ambiental

San Lázaro, s/n
15781 SANTIAGO DE COMPOSTELA



Luis Rivas SL
Avda Peirao Besada, 45
(36163) - Poio (Pontevedra)

NOTIFICACIÓN de resolución de autorización do centro de descontaminación de vehículos ó final da súa vida útil

Expediente núm.: 2008-SC-I-00080

Mediante o presente escrito notificolle que con data de 5 de agosto de 2009 o Secretario Xeral de Calidade e Avaliación Ambiental dictou a seguinte resolución:

En relación coa solicitude presentada por D. Luis Rivas Portela, como representante legal da empresa **Luis Rivas SL** (CIF: B-36044899), con enderezo social en Avda Peirao Besada, 45 (36163) - Poio (Pontevedra) e localización do centro de traballo no Polígono Industrial O Campiño, rúa das Mamoas, nº81 - Pontevedra, a Secretaría Xeral de Calidade e Avaliación Ambiental incoou o oportuno expediente de acordo cos seguintes, ANTECEDENTES:

Primeiro.- Con data de rexistro de entrada de 7 de febreiro de 2008 a empresa presentou a solicitude de autorización para realizar actividades de xestión que consisten na **valorización de residuos perigosos** LER 160104* (**vehículos ó final da súa vida útil**), xunto cun proxecto que inclúe o contido previsto no anexo 6 do Decreto 174/2005, do 9 de xuño, polo que se regula o réxime xurídico da produción e xestión de residuos e o Rexistro Xeral de Produtores e Xestores de Residuos de Galicia. Este proxecto debe conter as especificacións técnicas do R.D.1383/2002 do 20 de decembro.

Segundo.- O día 21 de novembro de 2008 a empresa presentou o xustificante acreditativo de ter subscrita unha póliza de **seguro de responsabilidade civil** por 600.000 euros que cobre, segundo os seus termos, os danos previstos no artigo 15 do Decreto 174/2005, do 9 de xuño.

Terceiro.- O 16 de marzo de 2009 a empresa presentou a documentación acreditativa de ter constituída unha **fianza** pola contía de vinte e sete mil cincocentos vinte euros (27.520 €), na forma establecida polo Decreto 455/1996, do 7 de novembro, de fianzas en materia ambiental, e de conformidade co disposto no artigo 16 do Decreto 174/2005, do 9 de xuño.

Cuarto.- O día 7 de febreiro de 2008 a empresa acreditou o aboamento da **taxa administrativa** correspondente á autorización de xestor de residuos perigosos.

Quinto.- No expediente instruído para o efecto cumpríronse os trámites regulamentarios previstos na normativa aplicable. En particular, emitiuse o preceptivo **informe favorable** trala inspección das instalacións realizada o día 23 de febreiro de 2009 polo Servizo de Calidade e Avaliación Ambiental de Pontevedra, en cumprimento do disposto no artigo 9 do Decreto 174/2005, do 9 de xuño.

Sexto.- A Subdirección de Avaliación Ambiental o día 17 de xullo de 2009 emitiu un informe de avaliación no que se indicaba que non era necesario someter o citado centro ó procedemento de **avaliación de impacto ambiental**, non obstante, considérase que se deben ter en conta certos aspectos ambientais que se detallan posteriormente.

Sétimo. - A dita empresa está inscrita no Rexistro Xeral de Produtores de Residuos de Galicia na actividade de produtor co **número de inscrición: SC-RP-P-P-00146**

FUNDAMENTOS XURÍDICOS

Primeiro. - A Secretaría Xeral de Calidade e Avaliación Ambiental é competente para coñecer a petición formulada, de conformidade co establecido na Lei 10/1998, do 21 de abril, de residuos, no Real decreto 833/1988, do 20 de xullo, polo que se aproba o Regulamento para a execución da Lei 20/1986, básica de residuos tóxicos e perigosos (modificado polo Real decreto 952/1997 do 20 de xuño), no Decreto 174/2005, do 9 de xuño, no Real decreto 1383/2002, do 20 de decembro, sobre a xestión de vehículos ó final da súa vida útil, e no Decreto 316/2009, de 4 de xuño, polo que se establece a estrutura orgánica da Consellería de Medio Ambiente, Territorio e Infraestructuras.

Por todo o anterior, a Secretaría Xeral de Calidade e Avaliación Ambiental, no exercicio das competencias que ten atribuídas, RESOLVE

Autorizar á empresa **Luis Rivas SL** (CIF: B-36044899), con enderezo social en Avda Peirao Besada, 45 (36163) - Poio (Pontevedra) e localización do centro de traballo en Polígono Industrial O Campiño, rúa das Mamoas, nº81 - Pontevedra (Pontevedra) como **xestor de residuos perigosos** e inscribila no Rexistro Xeral de Produtores e Xestores de Residuos de Galicia co número de rexistro: **SC-RP-P-XV-09255** para realizar as actividades de descontaminación e desmontaxe de **vehículos ó final da súa vida útil**, con suxeición ás seguintes condicións e requisitos:

PRIMEIRO:

1. DATOS DE XESTIÓN DA INSTALACIÓN

CAPACIDADES	
Capacidade de recepción (datos do proxecto)	16 vehículos
Capacidade de descontaminación (datos da inspección)	1 planta descontaminadora
Capacidade estimada de almacenamento (datos da inspección)	15 vehículos

Tendo en conta os datos anteriores, a **capacidade máxima de xestión do desguace estimase en 1920 vehículos anuais (capacidade normal: 1000 vehículos ó ano)**.

Esta capacidade máxima ordinaria de xestión pode ser incrementada pola Secretaría Xeral cando o interesado presente xustificación.

2. TEMPO MAXIMO DO ALMACENAMENTO DE VEHICULOS DESCONTAMINADOS:

Vista as características técnicas da zona de almacenamento de vehículos descontaminados indicámoslle que o tempo que poderá ter almacenados os vehículos é de 2 anos no terreo que está formigonado e impermeabilizado mediante lámina de polietileno de alta densidad, con pendente na soleira e recollida de pluviais hacia a separadora de graxas.

SEGUNDO: ACTIVIDADES AUTORIZADAS:



Esta autorización ampara exclusivamente as operacións de recepción, almacenamento temporal e descontaminación de vehículos ó final da súa vida útil (LER 160104*), así como a desmontaxe posterior para posibilitar a súa reutilización e reciclaxe.

As operacións de descontaminación incluírán a extracción e retirada controlada, para a súa posterior entrega a un xestor de residuos perigosos autorizado, de tódolos fluídos, compoñentes e materiais que se relacionan no apartado 1 do Anexo III do Real decreto 1383/2002, do 20 de decembro, sobre xestión de vehículos ó final da súa vida útil.

A realización das ditas operacións de extracción e retirada deberán garantir a descontaminación do vehículo e a súa consideración como residuo non perigoso (LER 160106).

TERCEIRO: CONDICIÓN DE FUNCIONAMENTO DA INSTALACIÓN:

Primeira.- A admisión de tódolos vehículos ó final da súa vida útil no centro autorizado de tratamento para proceder á súa descontaminación documentarase mediante a emisión do correspondente certificado de destrución, o cal deberá cumprir os requisitos mínimos establecidos no Anexo IV do Real Decreto 1383/2002 do 20 de decembro, e a Orde INT/249/2004 do 5 de febreiro.

Segunda.- Deberá cumprir a normativa en materia de seguridade contra incendios en establecementos industriais. Na zona especificamente destinada a almacenar pneumáticos deberá cumprirse co establecido no 1619/2005, de 30 de decembro, sobre a xestión de neumáticos fóra de uso.

Terceira.- De conformidade co previsto no artigo 10 do Real decreto 1383/2002, de 20 de decembro, deberá levar un rexistro estatístico no que se reflexe polo menos os seguintes puntos:

- Número de vehículos tratados.
- Tipo de vehículos tratados.
- Peso total dos residuos destinados á reutilización e á valorización
- Peso total dos residuos destinados á reutilización e á reciclaxe.

Antes do 1 de marzo de cada ano deberán remitir a esta Secretaría Xeral a Memoria de Xestor dos centros de despepe de vehículos.

QUARTO: CONDICIÓN AMBIENTAIS DE FUNCIONAMENTO DAS INSTALACIÓNS

Deberá cumprir cos seguintes requisitos ambientais:

- Minimizarase a emisión de po e de gases á atmosfera. Neste senso, no caso de realizar obras, e en relación ás posibles alteracións da calidade do aire pola emisión de po á atmosfera debido á acción da maquinaria e aos movementos de terras, procederase á humectación dos vieiros e das zonas de obra cando se dean condicións de seca e/ou fortes ventos, evitando en todo momento asolagamentos e escorrentas, e ao recubrimento cun toldo impermeable dos camiós que transporten material poeirento.
- A maquinaria cumprirá coa normativa de emisións que lle resulte de aplicación, debendo dispoñer de documentación acreditativa ao respecto.
- Queda prohibida a queima de restos ou de calquera outro tipo de material sen a autorización correspondente.
- Adoptaranse as medidas necesarias de xeito que non se superen os valores límite de recepción para ruído ambiente exterior establecidos na Lei 7/1997, de 11 de agosto, de protección contra a contaminación acústica, no Decreto 150/1999, de 7 de maio, polo que se aproba o Regulamento de protección contra a contaminación acústica, e, no seu caso, na

ordenanza municipal do concello de Oural. Neste senso realizarase un axeitado mantemento da maquinaria e equipos que compoñen as instalacións co obxecto de minimizar o impacto acústico.

- No caso de existir calquera captación de auga deberase contar coa autorización do órgano de conca correspondente.
- Calquera vertido que se realice, xa sexa ao medio natural e/ou á rede de sumidoiros, deberán contar coa autorización correspondente.
- Disporase dun sistema separativo de recollida e, no seu caso, de tratamento das augas (sanitarias, residuais, pluviais...).
- Evitaranse os vertidos accidentais ao solo e/ou aos cursos de auga adoptando medidas preventivas e/ou correctoras ao respecto.
- A eficacia e a estabilidade do sistema de impermeabilización para as instalacións serán revisadas convenientemente durante a fase de explotación.
- No caso de producirse calquera afección negativa derivada da actividade deste centro sobre o ecosistema, tomaranse inmediatamente as medidas necesarias para paliar o dano ocasionado.
- En todo momento os residuos serán xestionados conforme á lexislación vixente de aplicación, en función da súa natureza, e primando a reciclaxe ou reemprego fronte ao vertido. Así, sinalar que estarase ao disposto no Real Decreto 1619/2005, de 30 de decembro, sobre a xestión de pneumáticos fóra de uso, e que todos os residuos perigosos entregaranse a xestor autorizado, para a súa correcta xestión.
- Integraranse paisaxisticamente as instalacións no contorno, de xeito que harmonicen coas características e paisaxe da zona.
- Realizarase o recoñecemento periódico das instalacións de acordo co indicado no proxecto presentado.
- Ó longo da fase de abandono, unha vez rematada a vida útil das instalacións, procederase, con carácter xeral á desmontaxe e retirada de calquera tipo de elemento susceptible de provocar contaminación, sendo entregados todos estes elementos a un xestor autorizado para un correcto tratamento dos mesmos segundo a lexislación vixente.

QUINTO.- Esta autorización outorgase sen prexuízo das demais licenzas e autorizacións esixibles polo ordenamento xurídico.

SEXTO.- Esta autorización concédese por un período máximo de cinco anos, prorrogable por igual prazo cun límite de dúas prórrogas sucesivas. A prórroga acordarase, se é o caso, logo da solicitude do titular da autorización, formulada cunha antelación mínima de tres meses e máxima de seis á data prevista de extinción daquela.

SÉTIMO.- A autorización está condicionada ó cumprimento das esixencias establecidas na lexislación de protección civil e das prescricións técnicas establecidas no proxecto da actividade que presentou xunto coa solicitude de autorización.

OITAVA.- O incumprimento dos termos desta autorización ou da normativa de aplicación poderá dar lugar á incoación do expediente sancionador previsto na Lei 10/98, do 21 de abril, de residuos

NOVENO.- A autorización poderase revogar, logo da correspondente tramitación do procedemento con audiencia ao interesado, nos seguintes supostos:

- a) Renuncia dos interesados
- b) Incumprimento das obrigas previstas no capítulo III do Decreto 174/2005, do 9 de xuño.
- c) Incumprimento dos requisitos que deron lugar á autorización.



XUNTA DE GALICIA

CONSELLERÍA DE MEDIO AMBIENTE,
TERRITORIO E INFRAESTRUTURAS
Secretaría Xeral de Calidade e Avaliación Ambiental

San Lázaro, s/n
15781 SANTIAGO DE COMPOSTELA

- d) Falla da comunicación das modificacións producidas respecto dos datos do rexistro.
- e) Falsidade constatada nos datos facilitados á Administración
- f) Como sanción accesoria no suposto da comisión de infraccións graves ou moi graves, conforme prevén os artigos 34 e 35 da Lei 10/1998, do 21 de abril, de residuos.

Contra esta resolución, que non pon fin a vía administrativa, poderá interpoñer, no prazo dun mes, recurso de alzada ante o conselleiro de Medio Ambiente, Territorio e Infraestructuras, de conformidade co disposto no artigo 114 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999 do 13 de xaneiro (LRX-PAC).

Mediante este documento notifícasele esta resolución segundo o esixido no artigo 58.1 da LRX-PAC.

Santiago de Compostela, 7 de Setembro de 2009



M^{ra} José Echevarría Moreno
Subdirección Xeral de Coordinación Ambiental

Nota Informativa: Poderá vostede consultar en tempo real a tramitación do seu expediente e a/s autorización/s inscrición/s da súa empresa no Rexistro xeral de Produtores e Xestores de Residuos de Galicia dándose de alta como usuario en SIRGa (Sistema de Información de Residuos de Galicia; <http://sirga.medioambiente.xunta.es>)